



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XIII. Ex parte.

[urn:nbn:de:hbz:466:1-62559](#)

birris, & notat Imola h̄c n. 1. Ratio redi-
di debet, quia inter collaterales minor est
successionis necessitudo, quām sit filij, aut
nepotis erga ascendentem, iuxta ea quae di-
ctasunt c. ad extirpandas 11. de filijs Pres-
byter.

2. NOTANDVM III. Pontifex obliuisci pot-
est rescriptorum suorum, ita vt posterius e-
manet, sine recordatione prioris; idque pro-
pter multitudinem & varietatem agendo-
rum, ait Barbatia h̄c col. 2. Licet alioquin
in factō proprio non pr̄sumatur obliuio, nisi
tempus diuturnum intercesserit.

Contra resp. Alexandri obijicitur: Re-
scriptum speciale derogat generali, tametsi de
co mentionem non faciat, c. 1. de rescriptis.
Atqui Nicolaus impetraverat rescriptum
generale de conferendo Archidiaconatu, qui
primō in Ecclesia vacaturus esset. Rabanus
verò rescriptum speciale, vt ad aunculū Ar-
chidiaconatum promoueretur, si vacaret:
Ergo huius rescriptum derogare debebat
priori. Resp. Maiorem esse veram, si spe-
ciale rescriptum non sit propriè oppositum
generali, sed cum eo consistere posset, vti ex-
plicauit in cit. c. 1. In proposito autem casu
rescriptum posterius proprie ac directē op-
positum est priori, saltem secundūm deter-
minationem euentus, vti Gl. h̄c notauit, ver-
non obstantibus, & Abb. num. 6. Nam Ni-
colaio mandatum erat conferri Archidiacono-
natū primō vacaturum: Primō autem va-
cabit Archidiaconatus Melchioris, per libe-
tatem eius renuntiationem: Ergo Pontifex
directē repugnat, dum eundem Archidiacono-
natū alteri, videlicet Rabano, conferri iu-
ber. Eodemque recidet, si dicas, prius rescrip-
tum in effectu non esse generale, sed spe-
ciale. Quamobrem regulam tradit Abb. ex
doctrina Bartoli in l. si domino 99. n. 1. ff. de
legatis 1. Si dispositio generalis in certa
specie verificari debet, dispositio posterior
specialis ei noti derogat: quandoquidem et-
iam prior secundūm euentum specialis est.
Exemplum: Si Papa Titio mandet con-
ferri beneficium primō vacaturū in diœ-
cesi, postea mandet Caio conferri primō va-
caturū in ciuitate diœcesis; si accidat pri-

mitus vacare beneficium in ciuitate, debetur
Titio, non Caio; nisi appareat, quod Ponti-
fex voluerit derogare iuri Titij.

CAPITVLVM XIII.

Ex parte.

PARAPHRASIS.

Si Iudici delegato à Papa certa procedendit,
vel iudicandi forma præscripta sit, eo non
obstante, exceptiones rationabiles admittere, & secundūm iuris æquitatem procedere
debet: Nisi in literis exprimatur, vt
nullæ exceptiones admittantur, quod tam
Pontifex apponere non solet.

SUMMARIUM.

1. Si Iudici delegato certa forma procedendi præscripta sit, non debet eam obseruare cum magno præiudicio partis.
2. Nihilominus debet procedere, ac iudicare secundūm æquitatem iure informataam, seu ita, vt legibus non repugnet.
3. Si casus lege definitus non est, Iudici, quod aquum ipsi videtur, arbitrari permisum est.
4. Vbi de contraria voluntate Principis non constat, index inferior rationabiles exceptiones admittere debet.

NOTANDVM I. Si Iudici delegato cer-
ta forma procedendi præscripta sit, non
debeteam obseruare cum magno præiudicio
partis: quare exceptiones rationabiles ad-
mittere debet. Ut si Iudici tempus præfixum
sit, intra quod causam definire debeat, Reus
autem dilationem petat, quia propter gra-
uem infirmitatem instruere caulam non pos-
sit. Ratio est: Quia Pontifex non censetur
præiudicare velle iuri partium, præsertim
naturalis defensionis, c. super eo, 15. hoc tit.
adè quidem, vt quomodo cunque, etiam im-
propriè, verba explicanda sint potius, quām
vt alterius iuri derogetur, sicut h̄c Decius
doceat num. 4. exemplum afferens: Si Papa
mandet Titio conferri beneficium, non ob-
stante

Quoniam.

PARAPHRASIS.

Alexander III. causam quandam delegavit Abbatii Leicestriæ, & Abbatii Vniceltræ: mortuo isto, Abbas ille partes citavit, & cùm interim in locum demortui alias substitueretur, mandatum Apostolicum successori illi porrexit, & cum eo causam definiuit. Quarebatur, an id rectè factum fuerit, & sententia à duobus lata rata esse deberet. Affirmat Alexander Papa; Et quod delegatio Abbatibus sub nomine non propriarum personarum, sed dignitatum ac locorum facta sit.

SUMMARIUM.

1. Delegatio facta dignitati, non expresso nomine proprio, transit ad successorem in dignitate, non autem administratorem, qui pro tempore ecclesie vacatis constituitur.
2. Si causa alicui commissa est expressum proprio nomine, tum dignitatu. v. g. Henrico Episcopo Augustano committimus, in dubio censenda est personalis commissio, nisi ex alijs concordis voluntas delegantis cognoscatur.
3. Si commissio facta est intuitu Archidiacconi, v. g. dignitatis, ea amissa, non pars est is causam cognoscere.
4. Potest autem eam cognoscere, si commissio facta est intuitu persona; modo non ob crimen depositus sit.
5. Mandatum Principis censetur exprimum & efficax, et si delegato nondum intolleruerit, privilegium è contraria beneficium motu proprio concessum non constitutratum ane acceptationem.
6. Commissio legato Sedi Apostolice facta sub nomine dignitatis, non transit ad successorem; transit autem illa, que facta est Vicario Episcopi.

NOTA.

stante collatione priùs alteri facta, explicandum esse de collatione inualida.

2. NOTANDVM II. Etsi certa forma Iudici delegato præscripta sit, nihilominus debet procedere ac iudicare secundum juris æquitatem. Quia Pontifex in rescriptis ad lites, quæ propriè ad iustitiam administrandam tendunt, non censetur derogare iuri communis, vti etiam constat ex c. causam quæ, 18. de rescriptis.

NOTANDVM III. Iudex procedere debet secundum æquitatem, quæ iure informata est; seu ita, vt legibus non repugnet. Non enim Iudex clementior legi esse debet, sed eius verbi standum, Authent. de Iudicibus, §. operat, iun. Gl. Si tamen casus lege definitus non sit, tum Iudici, quod æquum ipsi videtur, arbitrii permisum est, c. vlt. de transact. in fine, iun. Gl. ver. æquitate.

NOTANDVM IV. Si Princeps scribat, in causa procedendum esse, nulla admissa exceptione, intelligi debet de exceptione irrationali, aut quæ solùm ad prorogandum iudicium apposita videtur, de quo hic videri potest Barbat. col. 2. Si autem expressè additum, nulla quamvis rationabili exceptione admissa, tum standum est formâ mandatis, quando nullus dubitandi locus relinquitur: quia Princeps ex plenitudine potestatis iuri communis, aut partis derogare censetur. Quod in civilibus causis ob grauem causam facere potest, præsertim si aliud defensionis remedium parti litiganti superfit, præter id quod ei adimitur. Ita docet Barbatia hic col. 6.

Exemplum habes: Si Papa causam Iudici commitat, eo addito, vt recusari non possit, explicari debet de friuola & irrationali recusatione: Sin verò addat, vt recusari non possit quantumvis rationabiliter, id seruari debet: cùm aliud remedium parti non desit, videlicet appellandi aut Iudicis officium implorandi.

* * *